

Pregadi, ma che far si debbi nel nostro Mazor Consejo justa la forma di le zeze; di la qual parte li XL ave molto a mal, perchè alcuni si fevano tuor. Andò le parte. Ave 131, 74, 2, et fu presa; sichè si faranno per Gran Consejo. Et Io fui causa, perchè feci advertir li Avogadori non lassasse romper le zeze; sichè si ben non son in Pregadi, fo qualche bona opera.

Fu posto, per li Consieri excepto sier Nicolò Copo, Savii del Consejo excepto sier Domenego Trivixan el cavalier, sier Lunardo Mocenigo et sier Luca Trun savii di terra ferma e li Cai di XL, che dovea dir prima, che atento il bisogno dil danaro, si possi obligar li danari si trarà di la masena, *ut in parte*. Et sier Luca Trun andò in renga e contradisse. Fe' lezer le parte che la masena non è angaria, *solum* messa per uno anno poi è ubligà a l'Armar: se desordinerà ogni cossa etc. Et sier Donà da Leze savio a terra ferma li rispose, dicendo il bisogno dil danaro. Et eri nel Consejo di X volseno ubligarli altri danari e depositi e non fu preso; sichè volendo danari in tanto bisogno, non sa trovar altra via che la masena; con altre raxon a proposito. Andò la parte. Ave: 120, 42, 2; et fu presa.

Fu poi posto per tutto il Colegio d'acordo, che a quelli impresteranno per esser Procuratori, la restitution li sia fata dil dazio di la masena dil 1525, 26 et 27 ogni mexe a tutti tre li Procuratori per rata, e non suplendo sia il 28, e da mò sia preso che per li ditti anni il dazio di la masena se intendi messo *ut in parte*, et ditta parte sia posta nel nostro Mazor Consejo. Fu presa: 191, 17, 1.

Fu posto, per li Savii, atento li 20 Savi deputati a la riformazion di la terra non si pono redur al numero, siano electi 5 altri di respeto, con il muodo e condition di altri. 181, 11, 1.

Di campo, dil Griti et Nani fo letere da Binasco, di 19, hore 19. Come francesi erano molto volenterosi di venir a la zornata con inimici, et che il marchese di Mantoa *etiam* lui era venuto a Pavia. *Item*, che in Milan pativano di vituarie.

41* *Di Crema, dil Foscolo podestà et capitano, di 19, hore . .* Come, per uno suo explorator stato in Piasenza, parti Domenega a dì 16, referisse il duca di Bari esser li e con zente, et dovevano venir in Milano; e altre particolarità. *Item*, scrive esser venuti alcuni cavali lizieri a Sonzin, qual tien per il Duca, dove voleano star, et per divedar le vituarie che dal brexan e cremasco si manda in campo etc.

Di Brexa, di sier Hironimo da cha' da Pexaro provedador zeneral, vidi letere, di 20, hore . . Come, per uno venuto di Piasenza, si ha il

duca di Bari esser li, et aspelava le zente fiorentine con Zanin di Medici, qual vien con lanze 200, 300 cavali lizieri et 4000 fanti, e si dice aràno 17 milia fanti in questo modo: 8000 venuti col Duchà, 3000 erano prima *videlicet* lanzinech 2000 col marchese di Mantoa, et 4000 di fiorentini, ch'è numero 17 milia. *Item*, scrive esser pasato 100 cavali de i nimici a Sonzin con la croce bianca, fenzando esser francesi, et che starano ad obviar le victuarie si mandano in campo; per la qual cossa esso Proveditor havia discargate certe monizion si mandava in ditto campo nostro, venute da Venetia. *Item*, manda avisi di Mantoa.

Avisi di Mantoa, per letere, di 20. Come missier Francesco fratello di missier Alvise di Gonzaga era ito a Venetia per le cose dil conte Federico di Gambarà, et ha commission dimandarle in dono in nome del signor. Et duca di Urbino ha scritto qui a le sue donne, che presto le manderà a tore perchè s'è asetato con fiorentini, a li qual lassa San Leo fina la venuta dil Papa, et tiensi che 'l parentà seguirà. Le donne sperano partirsi inanti Pasqua. Missier Angelo dal Bufalo designato andar in Spagna dal Papa, hora si parte mandato dal Signor. *Item*, da pò la ribatuta de sguizari, si hespecta di hora in hora lo estermio loro, et che 'l duca di Bari sia in pacifico Stato; qual nel passar disse voler prima morir che tornar fora ussuto. *Item*, Bologna, ne la qual Bentivoi hanno intelligentia, è in arme e stassi in gran sospetto; *tamen* poco si spera quà de revolution per adesso.

Die 21 Marcii, in Rogatis, 1522.

42

Contenendose in la deliberation per questo Consejo fata quarto giorno, de le ordinanze e altre provision zereha lo armar, che si debbi far electione di 20 Sopracomiti in questo Consejo, perchè questo è contra la forma de la parte del Mazor Consejo hora lecta; et non hessendo stà debitamente deliberato in merito non dia haver executione; ma è conveniente al decoro di questo Stato servar quanto per lo ditto Mazor Consejo è statuito, et però:

L'anderà parte: che remanendo ferma in tutte le altre cose la ditta deliberation di questo Consejo de quarto giorno, solamente quella particula in essa contenuta di elezer 20 Sopracomiti per questo Consejo sia et debbi esser irrita et nulla, et li ditti Soprocumiti 20 se debano elezer per il nostro Mazor Consejo, come la ditta parte presa in quello dispone. De parte 131, de no 74, non sincere 2.